

Քաղաքացիական հասարակություն, պետություն, բիզնես փոխհարաբերությունները

Համառոտագիր



Մարդկային
գարգացման
միջազգային
կենտրոն

Եռանկյան սուր անկյունում

Չնայած նախորդ ավելի քան մեկ ու կես տասնամյակում, քաղաքացիական հասարակության զարգացմանն ուղղված բազմաթիվ միջնաժամկետ և երկարաժամկետ ծրագրերին, Հայաստանում քաղաքացիական հասարակության, այդ թվում՝ հասարակական կազմակերպությունների, զարգացման մակարդակը հեղինակավոր աղբյուրները շարունակաբար ցածր են գնահատում: Զաղաքացիական հասարակության կառույցները ներկայում երկրի քաղաքական-հասարակական կյանքում ըստ էության որոշիչ դեր չունեն: Հասարակական փոխհարաբերությունների դինամիկան, ինստիտուցիոնալ փոխակերպումներն ու հիմնական դերակատարների՝ պետության, գործարար հատված ու քաղաքացիական հասարակության բաղադրիչների տարրնթաց ու անհամաչափ զարգացումն անարձագանք ու անվերադարձ կլանեցին ահեղ 88-ի հասարակական զարթոնքի ակորդները: Իդեալական աշխարհում պետությունը, գործարար հատվածն ու քաղաքացիական հասարակությունը հավասարակողմ եռանկյան գագաթներում երաշխավորում են մարդկային զարգացմանն ուղղված կառավարման արդյունավետ համակարգի կայունությունը: Խորհրդային ժամանակաշրջանում այս երեք ինստիտուտները գրեթե միատեղված էին, սակայն թվում էր, թե անցումային փոխակերպումները և ժողովրդավարական բարեփոխումները պիտի որ ապահովեն հայկական «հավասարակողմ եռանկյունու» հրաշքը: Մինչդեռ 21-րդ դարասկզբի իրական Հայաստանում այս դերակատարները բնավ հավասարապես ու «հավասարամոտ» չեն: Իսկ պետություն-քաղաքացիական հասարակություն հեռավորությունը թերևս քաղաքացիական հասարակություն-մասնավոր հատված հեռավորության տասնապատիկն է ու պետություն-գործարար հատված հեռավորության հարյուրապատիկը:

Շահ, շահեր ու կրկին շահեր...

Ակներևաբար, պետության դերակատարումը, նրա ֆորմալ մասնակցությունն ու անմիջական ներգրավումը տնտեսության մեջ էականորեն սահմանափակվել են, ինչը և պայմանավորեց տնտեսական աճի աննախադեպ տեմպն անցյալում: Այդուհանդերձ, պետության իրական՝ ոչ ֆորմալ, մասնակցությունը տնտեսության մեջ անհամեմատ ավելին է: Պետական ծառայողների տնտեսական գործունեությունն ու շահերի բախումը դարձել են մեր ժամանակների բնութագրական երևույթները: Միաժամանակ, գրեթե բոլոր խոշոր գործարարներն ու նրանց հարազատներն անմիջականորեն ներգրավված են կառավարման օրենսդիր կամ գործադիր մարմիններում: Այս երկու երևույթների շոշափելի հանրագումարն այսպես կոչված «պետության զավթումն է», որի էությունը փոխհարաբերությունների կարգավորման գործընթացում մասնավոր շահի գերակայությունն է հանրային շահի հանդեպ: Զաղաքացիական հասարակությունը, որը Հայաստանում ժողովրդավարության ամբողջականացման կարևորագույն գործառույթներ ունի և, որը պիտի միջնորդ լիներ պետության և մասնավոր հատված միջև՝ վերահսկելով պետությանն ու սահմանափակելով դրա անհարկի ազդեցությունը մասնավոր հատվածի վրա, խթաներ քաղաքական մասնակցությունը և մասնավոր հատվածի ու հասարակության տարբեր խմբերի շահերի ձևավորման, ձևակերպման և արտահայտման ուղիներ ստեղծեր, ըստ էության անցումային փոխակերպումների արդյունքում հայտնվել է լուսանցքում: Մասնավոր հատված-քաղաքացիական և պետություն-քաղաքացիական հարաբերությունների ներկա հաշվեկշռում չի շահում ո՛չ պետությունը, ո՛չ մասնավոր հատվածը, ո՛չ առավել ևս քաղաքացիական հասարակությունը:

Գոնե հա՛յ Է...

Կառավարման ասիմետրիկ համակարգում տուժում են բոլորը: Նման համակարգի ձևավորման գործում իրենց մեղքի բաժինն ունեն բոլորը, այդ թվում քաղաքացիական կառույցների ինստիտուցիոնալացմանն ու զարգացմանն աջակցողները, հատկապես քաղաքացիական փոխակերպումների վաղ փուլում ձևավորված ոչ-կառավարականության (*non-governmentalism*) հայեցակարգի հայրերը: Ավա՛ղ, ոչ-կառավարականության մոտեցումը կենտրոնական դարձավ քաղաքացիական աջակցության ռազմավարություններում և ծրագրերում, մինչդեռ քաղաքացիական հասարակության ինստիտուտի այլ չափողականությունները՝ մասնակցություն, անդամություն, համակիրներ և այլ, մնացին ստվերում: Նման մոտեցումը, որը թերևս արդարացված

Երևան 0001
Սայաթ Նովա 19
Հեռ.՝ +374 10 582638
Ֆաքս՝ +374 10 527082

mail@ichd.org
www.ichd.org



Եր վաղ 90-ականներին, զարգացման գործընկերների և դոնորների օրակարգում մնաց նաև հետազայում: Ժողովրդավարական բարեփոխումներին աջակցության նման անճկուն և միաբայլ լուծումների արդյունքում քաղհասարակության զարգացման և դրա ինստիտուցիոնալացման ընթացքը ետ մնացին պետության և մասնավոր հատվածի զարգացման տեմպից և ուղղությունից: Այժմ, հասարակական կազմակերպությունների թիվը սրկաթաց աճեց: Սակայն դրանց անդամների ու համակիրների թիվը մնաց չնչին, գրեթե համեմատական դրանց բուն թվին: Քաղհասարակության ամբողջականացման լավագույն ժամանակահատվածը կորսվեց, իսկ 34-ների մեծաթիվ բանակն արդյունքում չնչին սոցիալական ուժ է ներկայացնում: Դրանք հիմնականում մնացին կախյալ թե՛ ֆինանսական, թե՛ էթիկայի առումով: Կախյալ, իսկ հաճախ նաև վերահսկող պետության, իսկ ավելի հաճախ՝ այլ դերակատարների կողմից: Հատկանշական է, որ շատ 34-ներ առավել տեղյակ են տարբեր դոնորների քաղաքականությանը, քան պետական քաղաքականությանը, ավելի տեղյակ են դոնորների գերակայություններին, քան մարդկանց կարիքներին: Մարդկանց կարիքները բավարարելու նրանց կարողությունները խիստ սահմանափակ են: Ուստի սահմանափակ են նաև այդ կարիքների բավարարման ուղղված որոշումների կայացման գործընթացի վրա ազդելու լծակներն ու հնարավորությունները: Քաղհասարակության կառույցների առկա խնդիրների շքերթը շարունակում է ռեսուրսների համար նրանց միջև մրցակցության գերակայությունը համագործակցության և ներկայացուցչականության հանդեպ: Ավելին, քաղհասարակության կառույցներն չափազանց հաճախ հենց իրենք ժողովրդավարական կառավարման սկզբունքները չեն կիրառում, թափանցիկ ու հրապարակային չեն, նրանց գործունեության հաշվետվողականությունը, երբեմն էլ օրինականությունը հեռու են կատարյալ լինելուց: Ուստի զարմանալի չէ, որ նման պայմաններում քաղհասարակության կառույցները մեծագույն դժվարությամբ են քարոզում և տարածում ժողովրդավարական արժեքները: Ընդհանուր առմամբ, քաղհասարակությունը և նրա կառույցները չեն կայացել որպես անկախ դերակատարներ: Այս առումով հատկանշական է, որ համեմատաբար անկախ կառույցները հաճախ հայտնվում են երկկողմանի կրակագծում: Չարմանալի չէ նաև, որ քաղհասարակության զարգացման նման ընթացքը լրատվամիջոցներին տեղափոխեց գրեթե բացառապես գործարար հատված: Ակհերևաբար, քաղհասարակության հատվածները՝ 34-ները, սկադեմիական շրջանակները, հիմնադրամները, կրոնական կազմակերպությունները, մասնագիտական ընկերակցությունները, լրատվամիջոցներն ու այլոք, թույլ են համագործակցում:

Ո՞ր ծայրից բարձրացնել ծանրաճողը

Քաղհասարակության ներկայացուցիչները լավ են պատկերացնում առկա դժվարություններն ու երբեմն առաջարկում ստեղծված վիճակից ելքեր: «Մեր կարողությունները շարունակաբար աճում են, իսկ ազդեցությունը՝ նվազում»: «Ինչ որ պիտի ունենանք՝ կարծես ունենք, սակայն ազդեցություն՝ չունենք, իրական դերակատարում հասարակական կյանքում չունենք»: «Պիտի փոխենք որոշում կայացնողների ու հենց ինքներս մեզ հետ հարաբերությունների մոդելը: Նոր մոտեցումներ են հարկավոր»: Խնդիրներն իսկապես, բազում են: Դրանց լուծման բանալին նախկինում շարունակաբար փնտրել ենք քաղհասարակության կարողությունների զարգացմանն աջակցության մեջ: Սակայն ժողովրդավարական կառավարման հավասարակողմ եռանկյունու խորհուրդը ոչ թե դրա գագաթների չափերի, այլ դրանց հեռավորության՝ հարաբերությունների մեջ է: Թերևս անհրաժեշտ է զարգացնել ու ամրացնել մի կողմից պետություն-քաղհասարակություն, մյուս կողմից՝ մասնավոր հատված-քաղհասարակություն հարաբերությունների համակարգը: Այլ խոսքով՝ մոտ բերել քաղհասարակության գագաթը մյուս երկուսին, որոնք նվաղում են գրկխառնության էքստագում: Հնարավոր է արդյոք սա: Թերևս, այո: Ամեն դեպքում նման հնարավորության համար կան իրական կոչմաններ: Այսպես, քաղաքացիական հասարակության որոշ կառույցների մասնագիտական կարողությունները աննախադեպ աճել են, որոշ դեպքերում համեմատելի դառնալով պետության և մասնավոր հատված կարողություններին, իսկ բացառիկ դեպքերում անգամ գերազանցում են դրանց: Քաղհասարակության մի շարք կառույցներ շարունակաբար խոշոր և խոշորագույն հարկատուների ցանկում են, իսկ որոշ կառույցների ազդեցությունը զգալի է երկրի հասարակական-քաղաքական կյանքում: Հենց այս գործոնը և դրանով պայմանավորված հաջողված փորձը, ձևավավորված վստահությունն ու կայացած հարաբերությունները պիտի դրվեն հատկապես պետություն-քաղհասարակություն հարաբերությունների զարգացման հիմքում այսուհետ: Քանի որ ծանրաճողը հնարավոր է բարձրացնել միայն մեջտեղից...

Համառոտագիրը մշակվել է 2009թ-ի ապրիլի 2-ին կայացած՝ «Պետություն – քաղաքացիական հասարակություն. կայուն հարաբերությունների հաստատում» վերնագրով քննարկման մասնակիցների կողմից արտահայտված կարծիքների հիման վրա:

*Կլոր սեղանին մասնակցում էին անկախ վերլուծաբաններ, պետական պաշտոնյաներ, միջազգային կառույցների ներկայացուցիչներ:
Քննարկումը կազմակերպվել էր Ֆրիդրիխ Էբերտի հիմնադրամի աջակցությամբ:*